

Yucatec - Kaaso' Tuucul Quili'ich Dzíibo' - Bad Mind Scriptures

Génesis 26:35 Le ca'a túul co'olelo'oba' tu beetajo'ob u káajtal u kuuxtalob Isaac yéetel x Rebeca.

Deuteronomio 28:65 Ca'aliquil ti' cajacbalech ti' le múuch' caajo'obo', ma' bíin yanac teeche jéedzel mix je'elel, tumen Yuumtzil a Kue' bíin u beet a cuxtal jaka'an a wóol, okom óolo'ob a wicho'ob chupech xan yéetel yaayan óolal.

Rut 1:18 Le ca tu yilaj x Noemí jach tu jaajil ti' u yóol x Rut j bin x yéetele', ma' tu ca'a a'alaj mix ba'al ti'.

2 Samuel 17:8 Teche' ma'alob a wojelil xiixib máaco'ob a taata yéetel u aj ba'atelo'ob, cu dzo'ocole' bejela'e' sen p'uja'ano'ob bey jun túul x káaxil osa dzo'oc u to'ocol u yaalo'obe'. Yéetel u láak ba'ale', bey a taata suuc u ba'atelo', ma' bíin u máans áakab ichil u aj ba'atelo'obi'.

Proverbios 21:27 Yuumtzile' cu p'ectic u ti'ibil óolal le j loolob máaco'obo', tumen cu kubico'ob yéetel kaakas tuuculo'ob.

Proverbios 29:11 J ma' ojéelaje' cu cha'ic u jíilta'al tumen u yaayam, ba'ale' aj ojéelaje' cu cóolcubáa.

Ezequiel 23:17,22,28 le j babiloniailo'obo' j taalo'obe' ca j chilajo'ob tu x yéetele', ca j nupkebancho'ob tu x yéetel, ca éekcunta'ab yéetel nupkebano'ob. sen éekcunta'ab tac u taactal u xej tu yo'olalo'ob. 22 Le o'olal, teen Yuumtzile', quin wa'alic: le a weeyo'ob cu beetico'ob u taactal a xej bejela'o', bin in ca'aj in beet u suticuba'ob a aj p'eeco'ob. Tuláacal tu'ux bíin in túuxto'ob ta wóokol 28 Teen Yuumtzil, je'el ba'ax quin wa'alic: Bin in ca'aj in beet a lúubul tu kab le múuch' caajo'ob a p'ectmajo'obo', bey xan le cu beetico'ob u taactal a xejo'.

Ezequiel 36:5 Je'el ba'ax cu ya'alic Yuumtzila': In t'aano'obe' cu bino'ob t'aba'antac yéetel p'u'ujul tu yo'olal le caajo'obo', ba'ale' asab ti' Edom, tumen tu yéetel sen nojoch qui'imac óolal tu ch'a'ajo'ob in lu'um, cu dzo'ocole' yéetel talam poch'ile' tu yocoltajo'ob in coolo'ob.

Ezequiel 38:10 Teen, Yuumtzil, tene' quin wa'alic: Ti' le kiino'obo', bíin ocoo ta tuuculo'ob kaakas jok jo'olo'ob.

Daniel 5:20 Ba'ale' le ca'aj chu'up yéetel u nonojbáile, le ca tu beetaj ba'alo'ob yéetel ca'anal ichile', lukesa'ab u páajtalil bey xan u nojbe'enil le yaan ti', táan ca'ach u beetic u ajawile'.

Lucas 12:29 Le beetique' ma' a chi'ichnactale'ex tu yo'olal ba'ax bíin a jaante'ex wa ba'ax bíin a wuke'ex.

Hechos 12:20 Herodese' kuux yéetel u cajnáalo'ob Tiro yéetel Sidono', ba'ale' leti'obe' tu múuch' tucultajo'ob u taalo'ob tu táan. Páatji u lúubulo'ob utzil tu táan Blasto, jun túul u noojoch u j meyajajo'ob ajaw Herodes, tu chi' lela' tu káatajo'ob jéedzel, tumen u lu'umo'obe' cu kamic ba'al jaantbil ti' u lu'um le ajawo'.

Hechos 14:2 Ba'ale' le judíob ma' ocsaj óolnajo'obo' tu líiksaj u yóol le máaxo'ob ma' judíobo' ca tu beetajo'ob u tuuculo'ob kaas tu yóokol le sucu'uno'obo'.

Romanos 1:28 Tumen ma' u káato'ob u kaj óolto'ob Kui', leti'e' tu xúump'attajo'ob ti' u kaakas tuuculo'ob, u ti'al ca u beeto'ob ba'ax ma' unaji'.

Romanos 8:6,7 U dzáic u yóol máac chéen ti' u ba'alo'obil le wíinclilo' cu bisic máac ti' quíimil; ba'ale' u dzáic u yóol máac ti' u ba'alo'obil Pixano' cu bisic máac ti' cuxtal yéetel ti' jéedzel óolal. 7 Le máaxo'ob cu dzáic u yóolo'ob chéen ti' u ba'alo'obil le wíinclilo' u p'ecmajo'ob Ku, tumen ma' u káato'ob mix tu páajtal u yantalo'ob yáanal u ya'almaj t'aan Kui'.

Romanos 11:20 Ma'alob; ba'ale' ch'a'aco'obe' tumen mina'an u yocsaj óolo'ob, yéetel teche' yaan a cúuchile' chéen tumen yaan teech ocsaj óolal. Bey túuno' ma' u ca'analtal a wich ba'ale' canantabáa.

2 Corintios 10:5 Bey túuno', c xu'ulsic le tac poolo'obo' bey xan je'el ba'alac ca líikic yéetel ca'anal ichil u ti'al u wet'ic u kaj óolta'al Kue'. tuláacal lu'umcabil tuucule' c dzáic yáanal u páajtalil u tuucul Cristo, u ti'al u yu'uba'al u t'aan leti',

2 Corintios 11:3 Ba'ale' je'el bix le caan tu tusaj Eva yéetel u kaakas tuuculo'obo', bey xan sajaquen ca a cha'a a tu'usule'ex yéetel ca tzele'ex a tuucule'ex ti' a kub óolale'ex ti' Cristo, tu'ux mina'an ca'a p'éel ichil mix kaasil.

Efesios 2:3 Tuláacalo'on bey cuxlico'on ca'ach ti' le kiino'ob dzo'oc u máano'obo', táan c bin ca'ach tu paach c dzíibolalo'ob yéetel táan c dzo'ocbesic ba'ax u káat c bakel yéetel c tuucul. Le o'olal c najmatic ca'ach u yaayaj jaadz Ku je'el bix u láako'obo'.

Efesios 4:17 Leti' le quin wa'alic te'ex túuna', yéetel quin kubentic te'ex tu kaaba' Yuumtzil: Ma' a cuxtale'ex je'el bix u cuxtalo'ob le máaxo'ob ma' u kaj óolo'ob Kuo', máaxo'ob cuxa'ano'ob queet yéetel u chéen cunel tuuculo'ob,

Colosenses 1:21 Te'ex ca'ache' táanxel lu'umile'ex yéetel enemigoex ti' Ku ta pucsi'ikale'ex, tu yo'olal le ba'alo'ob kaastac ca beetique'ex ca'acho'; ba'ale' beoraa' Kue' dzo'oc u dzáique'ex ti' jéedzel óolal tu yéetel,

Colosenses 2:18 Le ba'ax si'an ti' te'exe' ma' a cha'ique'ex u luksa'al te'ex

tumen le máaxo'ob cu ye'esicuba'ob bey jach cabal u yóolo'obe' yéetel cu kultico'ob le ángelo'obo'. Leti'obe' cu yocsicuba'ob ti' ba'alo'ob ma' u yilmajo'obi' yéetel cu nojochquinticuba'ob yéetel ca'anal ichil tu yo'olal u lu'umcabil tuuculo'ob.

- 1 Tesalonicenses 5:14 Bey xan c kubentic te'ex, sucu'une'ex, ca a wa'ale'ex u nu'uc ti' le máaxo'ob ma' u káato'ob meyajo', ca líikse'ex u yóol le máaxo'ob lúubul u yóolo'obo' ca a wáante'ex le máaxo'ob luubul u muuko'obo' yéetel ca yanac te'ex chowac óolal yéetel tuláacal máac.
 - 2 Tesalonicenses 2:2 ma' a kexique'ex séeba'an a tuucule'ex, mix a cha'ique'ex u ja'asa'al a wóole'ex tu yo'olal mix jun p'éel pixanbe'en péectzil, mix tu yo'olal wa ba'ax jadzutz t'aano'ob ca a wu'uye'ex, mix tu yo'olal wa ba'ax dziibil ju'un ca a kame'ex ca chiicpajac bey to'on túuxtmaile', táan u ya'alic dzo'oc u kuchul u kiinil Yuumtzil.
 - 1 Timoteo 6:5 yéetel ba'atelo'ob mina'an u xuul ichil máaco'ob kasa'an u tuuculo'ob yéetel ma' u kaj óolo'ob le jaajo', yéetel cu tucultico'obe' u biilal le ocsaj óolalo' u ti'al u náajalta'al taakin. Tzelabáa ti' le máaxo'ob beyo'obo'.
 - 2 Timoteo 3:8 Bey túun je'el bix le j wáayo'ob Janes yéetel Jambres yanji'ob tu contra Moisesé', bey xan le máaco'obo' cu yanta'alo'ob tu contra le jaajo'. Máaco'ob dzo'oc u kastal u tuuculo'ob, ma' kambe'eno'ob ti' tuláacal ba'ax yaan u yil le ocsaj óolalo'.
- Tito 1:15 U ti'al le máaxo'ob sac u tuuculo'obo', tuláacal ba'al sac; ba'ale' u ti'al le máaxo'ob ma' tu yocsaj óolo'ob mix sac u tuuculo'obe', mixba'al sac; tumen tac u tuucul yéetel u na'ate' pa'apa'ako'ob.
- Hebreos 12:3 Dzáa a tuucule'ex túun ti' Jesús, máax tu mukyajtaj jach ya'ab ch'a'a p'ectajil tu kab le j keban máaco'obo'; le o'olale' ma' a ca'anle'ex mix u lúubul a wóole'ex.
- Santiago 1:8 tumen le máax ca'a p'éel u yóole' ma' tu páajtal u jedzic u tuucul ti' mix ba'al.

Pastor T. John Franklin
Church of Salvation, Healing, and Deliverance
COS-HAD.org